

Txooov siv yis .  
Hwj huaj neeb  
kho mob.



Tus txiv neeb

Hwj huaj neeb

Lwm sub xa xyoo laus



Pov pob xyoo tshiab

Keeb kwm hmoob muaj

=Poj caj = .... yawm ces.

=poj hlav = ..yawm ncau.

=poj koob = .yawm txwv.

• hmoob tus nyuj dab.

=Pog suab = .yawg suab.

=pog koob = yawg koob

= pog..... = .....yawg.

• ua npua tai.

=Niam. = .....txiv

= Tub.....= .....nyab

• ua npua dab roog.

= xeeb leej = .xeeb ntxwv



Chiv keeb hais txog hmoob lub  
Tsiab peb caug thiab kev hu plig

1-. Chiv keeb hmoob lub tsiab peb  
caug xyoo tshiab tshwm sim los ntawm  
txoov siv yis, tua dab noj nyoog tuag.

2-. Txooov siv yis tua dab noj nyoog tuag  
yog lub 12 hlis nqig tas hnub tim 30 sij  
hawm hnub qaij nroos, hmoob tau txais  
kev ywj pheej noj qab nyob zoo kaj siab  
lug txij li hnub ntawd los txog niaj hnub  
no.

3-. Lwm qaib lub 12 hlis nqig tas  
hnub 30 yav hnub qaij nroos tim npoo  
ntuj, txooov siv yis tau coj noob neej mus  
ua ib lub rooj vag ntxias txais tos dab noj  
nyoog tuaj sib tham txog qhov uas yuav  
muab tib neeg nce se rau dab noj nyoog  
tab sis thaum dab noj nyoog tuaj txog  
ntua ntawm lub rooj vag xwb ces txooov  
siv yis tua dab noj nyoog tuag kiag lub  
caij ntawd. Yog li mas hmoob thiaj muab  
lub 12 hlis nqig tas hnub 30 los ua hnub  
lwm qaib xa vij sub,vij sw nrog lub xyoo  
laus mus txhua + xyoo.

4-. Vim li cas thiaj muaj hu plig hnub .30.  
 = vim thaum ub dab noj nyog tuaj ntes  
 noob neej coj mus tua noj noob neej thiaj  
 ntshai+ khiav mus nkaum nyob hav zoov  
 hav tsuag xwb, hnub uas txoov siv yis tua  
 dab noj nyog tua lawm nws thiaj kom  
 noob neej nyias mus hu nyias me tub me  
 nyuam tawm los nyob ywj siab tsis ntshai  
 lawm. Yog li no peb hmoob thiaj muaj hu  
 plig lub caij lwm qaib tag ntawd hais tias.  
 Noj peb caug. Lo lus hais tias noj peb caug  
 Yog lub sij hawm txoov siv yis tua dab noj  
 Nyoog tuag tas, nws thiaj nqua hu kom  
 Noob neej tawm los nyob ywj siab tas, ces  
 Txoov siv yis thiaj kom noob neej los nyob  
 Ua si 3 hnub, tab sis ib hnub twg mas kom  
 Ua 10 yam zaub mov los noj ua kev zoo siab  
 Peb hnub mas ua 30 yam zaub mov rau kwv  
 Tij Neej tsa noj nroo ntws,haus nroo ntws.  
 Yog li mas hmoob thiaj hais tias: noj peb  
 Caug no. qhov tseeb mas yog noj 30 yam  
 Zaub mov xwb.

5-. Hnub txais tos lub xyoo tshiab thiab thov  
 koob hmoov ntawm tej niam thiab txiv yog  
 lub ib hlis hnub xiab ib xyoo tshiab (xiab 1)

6-. Txoov siv yis hais li cas tseg rau noob neej  
 = thaum lub sij hawm txoov siv yis los tso tau  
 noob neej nyob ywj pheej lawm,nws tau hais  
 tseg tias: zaum no nej tau txais kev thaj yeeb  
 nyob ntiaj teb lawm,kom nej nco ntsoov tseg  
 tias: 1 xyoos twg txog lub 12 hlis nqig tas  
 hnub 30 nej yuav tau npaj muab qaib lwm  
 cov vij sub,vij sw thiab hu plig ib zaug mas ne  
 thiaj nyob huaj vam noj qab nyob zoo no mog  
 = txoov siv yis hais li tas ces nws nce mus nyok  
 lawm. 9 . tshooj ntuj saum ub kom puv yees li  
 9800 xyoo tso nws mam nqis rov los  
 nyob lub ntiaj teb no, nws tau hais tias  
 nws mus nyob saum ntuj lawm mas  
 noob neej yuav ntsib kev nyuab siab  
 ntau yam los ntawm kev mob nkeeg  
 ploj,tuag ces noob neej thiaj thov tias  
 peb tsis xav ntsib kev mob,nkeeg,ploj  
 tuag, yog koj mus lawm peb yuav ua li  
 cas nyob, txoov siv yis thiaj hais tias:  
 kuv mam muab hwj huaj neeb,khawv  
 koob,hauv kuab muaj tsuas tso los pab  
 cawm noob neej kom nyob zoo,tab sis  
 nyam ib lo lus tseg tias: kom noob neej  
 okawd yuav poj niam tas,akawd paub tias, nium

nco ntsoov khaws yawm saub tej txuj ci tseg kom mus txog hnub uas txooov siv yis nqis rov los txog, thaum ntawd txooov siv yis mam muab kuab muaj tsuas,tsuag rau lub ntiaj teb ces tus tau tuag lawm yuav sawv rov qab los,yog tus twg tsis muaj puav pheej ces txooov siv yis muab tshem mus rau ntuj hluav taws yog tus muaj puav pheej ces yuav nyob mus tsis txawj laus,tsis txawj tuag li thaum hais li no tas ces txooov siv yis nce mus nyob 9 tshooj ntuj saum ub lawm. Mas qhia tias yav tom ntej no txooov siv Yis tseem yuav nqis daws noob neej lub Txim mob,nkeeg,ploj tuag nyob hauv Daim luaj pua av tsim nuj no.

Major.Tougeu leepalao

## Koom haum hmoob kab lis kev cai.

Chiv keeb huam yuaj hais txog hmoob tus nyuj dab mas muaj li no.

1= kwv yees li 10 txhiab xyoo dhau los lawm thaum ub hmoob muaj ib tug huab tais npe hu ua : ntaj xib koo,nws tus poj niam hu ua: ntab muam nkauj ntua,yawg ntaj xib koo ua huab tais nyob lub zos Vam kiab yaj ces tuam meem teb, nws tsim tau ib lub sam thiaj pob zeb rau ib lub tiaj dav heev, lub tiaj no yog qhov chaw tsa hauv toj thiab qhia peeb zeej ua yeeb yam tes taw, yawg huab tais ntaj xib koo thiab ntab muam nkauj ntua nkawd yug tau ob leeg tub tis npe hu ua: Looj xab thiab Looj xwm.

2= thaum no huab tais suav daj txawm coj tub rog tuaj txeeb ntaj xib koo lub teb chaws ces thiaj muaj sib ntaus, sib tua loj heev txog qhov kawg ntaj xib koo raug suav tua tuag lawm, thaum no ntab muam nkauj ntua thiaj muab ob tug me nyuam uas yog looj xab thiab looj zwm nkawd coj mus zais cia tim qab tsuas nrog ib tug maum dev coj me nyuam nyob es thov cov hmoob zej zos nyiag pab xā mov mus pub rau noj kom txhob tuag tshaib xwb, hos ntab muam nkauj ntua ces suav coj mus ua huab tais qhev .

3= tshuav ob tug tub looj xab thiab looj xwm nkawd nyob, thaum nkawd hlob tiav hluas nkawd yuav poj niam tas,nkawd paub tias, niam

6

txiv raug suav muab tua tuag tas lawm, nkawd  
tsis paub yuav ua dab qhuas li cas, nkawd thiaj  
mus nug ib tug saub, tus saub thiaj qhia nkawd  
tias: neb mus yuav tus pog laus uas nws ua huab  
tais qhev cheb huab tais lub loog coj los qhia neb  
ua dab, ua qhua, vim tus ntawd yog tus paub neb  
keeb kwm dab qhuas poj koob yawm txwv zoo.

4= thaum paub li no lawm ces nkawd thiaj ntaus  
kev mus pem ceeb tsheej, nkawd mus txog pem  
huab tais suav ces nkawd thiaj mus hais rau  
huab tais suav tias: txiv huab tais! Yog koj kam  
no wb muab 12 lag nyiaj yuav koj tus nkauj  
qhev coj mus zov wb tsev no? ces huab tais tsis  
tau teb, niam huab tais txawm hais tias! yawg!  
Yog luag muab 12 lag nyiaj no kam kiag, vim  
nws twb laus + lawm xyov nws yuav tuag hnub  
twg. Ces huab tais thiaj teb tias: neb yuav los tau

5= nkawd them nyiaj tas ces nkawd coj tus pog  
laus los, nkawd caij nees kom tus pog laus cab  
lawv los txog ntawm ntaj xib koo lub tiaj ces  
lawv so noj sus, nkawd noj tas mam cia tus pog  
laus khee qub, ces tus pog qhev txawm hais rau  
nkawd tias: ob tug me tub! Neb tos kuv mus tso  
zis tso peb mam li mus! tus pog qhev mus ntev  
loo tsis pom los, ces looj xab thiaj hais tias. Looj  
xwm koj mus xyuas saib ua cas tus pog qhev  
yuav mus ntev ua luaj no! looj xwm lawv qab  
mus thiaj pom nws zaum saum lub sam thiaj  
pob zeb quaj + hais tias: kuv txiv ntaj xib koo

7

thiab kuv ob tug me tub looj xab thiab looj xwm  
nej mus nyob qhov twg lawm? es nej yuav tso  
kuv cia ua luag qhev mus txog hnub twg? ces  
looj xwm thiaj los hais qhia looj xab tias: ua li  
cas niag poj qhev quaj+ tuav rawv wb txiv thiab  
wb ob leeg npe tiag! ces looj xab thiab looj xwm  
thiaj nkag mus mloog, thaum looj xab mus hnov  
cov lus uas niag poj qhev quaj hais li no tas ces  
looj xab txawm mus ti nkaus, looj xab thiaj nug  
tias: koj hais li ntawd es koj paub ntaj xib koo  
thiab looj xab, looj xwm lawv los! ces niag poj  
qhev mam teb tias: ob tug me tub! Ntaj xib koo  
ces yog kuv tus txiv, looj xab thiab looj xwm ces  
yog kuv ob tug tub, vim huab tais muab ntaj xib  
koo tua tuag lawm, kuv muab looj xab thiab looj  
xwm nkawd coj mus zais cia rau tim qab tsuas es  
kuv thov cov kwv tij hmoob nyob lub zos vam  
kiab pab nyiag nqa mov mus pub rau noj, hos  
kuv ces huab tais suav coj mus ua qhev nyob  
pem ceeb xwb. Ces nkawd hnov li no nkawd  
thiaj quaj thiab tuav kiag tes hais tias: koj yog  
wb niam! Qhia koj paub tias: ntaj xib koo yog  
wb txiv, ntab muam nkauj ntua yog wb niam!  
Looj xab thiab looj xwm twb yog wb kiag! Ces  
lawv thiaj sib qawg quaj ntawm lub sam thiaj  
pob zeb ntev loo mam li tig rov los.

6= thaum no nkawd mam cab nees cia nkawd  
niam caij lawv los txog tsev nyob tau 3 hlis  
nkawd niam mam hais tias: looj xab thiab looj  
xwm! Neb yuav xav kom neb ua lub neej nyob

8 huaj vam nroo ntws,tau ua nom ua tswv mas neb  
yuav tau ua ib thaj neeb mus kho neb txiv vaj  
tsev nyob nruab yeeb tas, mas yuav ib tug nyuj  
zoo nkauj coj los ua ib rooj mov rau neb txiv noj  
thiab hu neb keeb kwm pog yawg tuaj nrog noj  
haus thiab,hu dab neej,dab tsav,tim tswv teb  
chaws tuaj nrog noj,nrog haus tas mas neb thiaj  
li yuav sawv ciaj taus faj tim huab tais li neb txiv  
ntaj xib koo no mog. Ces nkawd thiaj npaj ua li  
nkawd niam hais tas ces nkawd thiaj sawv ciaj  
huab tais raws li niam lo lus. Hais tog hmoob tus  
nyuj dab mas pib hauv paus muaj li no xwb.

7=hais txog tus nyuj dab: chiv keeb huam yuaj  
hmoob yog ib tug dab qhuas xwb, xeem hmoob  
twg los yeej ua ib yam nkaus,cov txim yeej yog li  
33 txig leej 3 ntsau xwb tsis txawv li, tab sis txij  
li tiam 1 ( 1 century ) hmoob thiab suav muaj  
teeb meem sib ntaus ua tsov rog loj nyob rau yaj  
ces tuam meem teb ( tuam tshoj ) thiaj ua rau  
peb haiv hmoob tau tawg npoj khiav ua pab,ua  
pawg mus nyob toj roob hauv pes, thiaj ua rau  
peb kev dab qhuas sib txawv zuj zus los lawm.

8=nyuj dab tam sim no hmoob xeem twg los yeej  
ua sib txawv tas,tsis zoo li yav thaum ub lawm  
nyias ua raws nyias lub siab xav lawm xwb.

9=kuv yuav hais raws li tsev hmoob lis npua dab  
roog 7 txim, nyuj dab 13 leej 3 ntsau muaj li kuv  
yuav hais mus nram qab no qhia rau nej.

8 = tus nyuj dab mas nrhiav tus nyuj kom zoo  
nkauj, thaum<sup>t</sup> tau nyuj lawm,mam li mus thov ib  
tug txiv neeb tuaj ua ib thaj neeb mus tos dab  
niam,dab txiv ( saib yog niam los yog txiv )  
thaum no yuav npaj li no: 1 lub hleb ntoo meme  
1 tug moj zeej ntaub,ntawv los tau. 2 ntshuas  
ntawv rau tus txiv neeb coj mus kho nws vaj,nws  
tsev nyob nruab yeeb teb tas, mas mam li coj  
nws nrog tus txiv neeb tuaj thiab coj ib tug tuaj  
lawy nyuj, yog txiv tuaj yuav nyuj mas coj nyab  
tuaj lawv nyuj. Yog niam tuaj yuav nyuj mas coj  
yawg tuaj lawv nyuj ( qhov no ua kom dab txaj  
muag es tsis txhab tuaj yuav ntxiv lawm xwb ).

10=thaum txiv neeb mus tos dab niam los dab  
txiv tuaj txog tsev lawm hmo ntawd yuav tsum  
muab ib tug npua los tua pub rau 2 tug tuaj  
ntawd noj hmo ( hais tias ua npua cawv no ) tag  
kis kaj ntug mam li tshuab qeej coj tus laus mus  
yuav nyuj thiab tus lawv nyuj sab nraum tshaw  
pum muaj 2 lub tsev me+ 1 lub hu ua tsev laus  
yog lub tsev pheeb suab xwb, lub 2 zoo li lub  
tshuav hu ua lub tsev tshiab no, lub tsev laus  
nyob sab xis ntawm tus nyuj, lub tsev tshiab  
nyob sab laug ntawm tus nyuj, Thaum mus mas  
muaj 1 tug coj dab, 1 tug txiv qeej, 1 tug nqa  
tsoos tsho, muaj 1 ntim mov, 1 lub qe siav, 1  
khob dej, 1 tug txhib ntawg xyoob.

11=thaum mus txog ntawm 2 lub tsev tus txiv  
qeej thiab tus nqa tsoos yuav tsum mus mcig 2

lub tsev ntawd 4 ncig mus 3 ncig los mam muab cov tsoos tsho tso rau hau lub tsev laus, tus coj dab mam rau dej ntxuav muag tas, ntawg mov,qe rau noj tas, mam li nqa cov tsoos tsho los tso rau ntawm lub tsev tshiaib,mam li ntawg cawvrau haus tas mam li cob nyuj rau tus tuaj yuav nyuj. Cov lus ntawg cawv thiab cob nyuj mas hais li nram no.

= tuav 3 txog cawv rau koj haus tso yuav muab nyuj rau koj. Noj ces yuav ntis mob, haus ces yuav ntis ntsaj es, koj tuaj ces coj 99 hauv kuab 88 hauv tshuaj tuaj kho yawg ( P ) ib tsev 20 leej ua qoob,ua loon cig toj,ncig pes tsis tseev hmab dawm tes,hlua dawm taw,ua tau noj ces yuav npws,ua tau haus ces yuav laig no nes hes!!

12=thaum laig cawv rau tas ces mam li cob nyuj rau. Cov lus cob nyuj hais li no. yawg. P .koj txws hnub yuav tuaj yuav tus nyuj kub nto ntuj, txws hmo yuav tuaj yuav tus nyuj tw suab teb. Zaum no yawg. P . mus nrhiav txog nram mab, nrhiav tau koj tus nyuj dab, nrhiav txog nram suav,nrhiav tau koj tus nyuj qhuav coj los ua koj tug es zaum nov koj txais ces koj tau nov nes.

13=thaum no mam tua tus nyuj, thaum tseev tau los mam li muab cov hauv nqaij coj los vom dej kub kom siav dawb vog xwb. Muab taub hau,tes taw hlawv hluav taws kuam kom zoo mam li muab los txiav li no: muab cov hauv nqaij los tso ua ntej tag, mam li tso cov taub hau,tes taw lawv

qab, tso sab xis ua ntej,sab laug lawv qab. Cov taub hau tes taw muab txiav li no: lub puab tsaig tso rau txim. 1 . muab sab taub hau txiav ua 4 txaug rau 4 tais, muab cov tes taw txiav ua 8 yav tso rau 8 lub tais, muab ib lub vab los teeb ntxiv rau ntawm txim 13 muab tus tw thiab lub txiv ntswg tso rau pawg. 1 . pawg no yog niam txiv luij loog dab roog,dab hluas,xwm kab, txhiaj meej pem xeeb ntiag tug. Pawg . 2 . yog sis muag kwv sis muag tig, sis muag viv, sis muag ncaus. Pawg no yog dab neej,dab tsav ntiag tug. Pawg . 3 . yog dab tim tswv,xeeb teb,xeeb chaws ntiag tug.

14=hais txog cov txim ntawd mas muaj li yuav piav mus ntxiv nram qab no: txim .1. muab rau tus tuaj yuav nyuj. Txim. 2. muab rau tus tuaj lawv nyuj. Txim. 3 - 4 - 5 -. Muab rau phaj yawg. Txim. 6- 7- 8-. Muab rau phaj txiv. Txim. 9- 10- 11-. Muab rau phaj uas tus tswv ua nyuj dab ntawd. Txim. 12 . muab rau phaj tub. Txim .13. muab rau cov tsis paub npe hmoob hais li no: = neej tsawg ces dab ntau,paub tab,tsis paub npe tuag yas kab,tuag yas kev,tuag nruab nkaub,tuag nruab qe, tuav npe tsis txhua los tuaj noj txhwb haus txhua,tuav npe tsis txog los tuaj noj txhwb haus txog.

15= thaum los laig dej cawv rau tus tuaj yuav nyuj thiab tus tuaj lawv nyuj mas muaj 3 tug xws li. Tus .1. tuav 1 khob cawv nrog tus txhib ntawg coj mus taw rau ces hais lus tuav cov laus uas tas

sim neej lawm cov npe xwb. Tus. 2 . mas muab cawv coj mus laig rau tuav npe raws qab xwb.tus .3 . mas muab mov,nqaij tso rau ntawm rab diav coj mus laig tuav npe raws qab ib yam nkaus li tus coj dab tau qhia ua ntej lawm xwb.

tus coj dab cov lus taw qhia dab hais li no.

=yawg. P . koj txws hnub yuav+ nyuj kub nto ntuj tw suab teb nov koj tuaj ces tuaj txim no thiab khob cawv nov nes!!.. Thaum laig dab mus thoob tas lawm ces mam li muab ib tug npua coj los ntawg rau tus tuaj ua luag lawv nyuj ntawd. Tab sis tus npua no mas tsuas yog muab ntawg tas rau xwb ces tsis tua, xuas ib ya hluav taws los tib tshum rau xwb ces muab niag npua tso khiav mus lawm tsis tua. Hmoob hais tias. Lam dag dab xwb no. hais txog kev ua nyuj dab hmoob lis 7 txim mas tas li no xwb.

=tus tshawb fawb yog:

**major.Tougeu leepalao**

## Kev cai ua npua tai muaj li

NO. 1 tug<sup>1</sup>txiv muam,yog tus coj tus yawg tai 2<sup>2</sup> tug nkauj nyab, yog 2 tug nrog tus txiv muaj . zaj lus hu yawg tai tuaj yuav npua muaj li no.

= tus txiv muam sawv nram qhov rooj tag nqa ib lub vab tshaus nrog ib co noob taum, noob pob kws, ntoo ib lub hnab saum tob hau ces nws hais li no.

=Txauv ! txem ! txauv ! txem ! Niam puj taub sawv cog taub,taub hlob taub lis lauj ua kuv tviv muam,txiv paiv taub yaug nvauj niam puj taub sawv cog taub,taub, hlob,taubhlav taub nkhaus li vos, ua kuv txiv muamtxiv paiv taub yaug lo tis yuas ,txauv,txemtxauv txem.

( muab dej los yaug ncauj )

= txauv txem ! txauv txem ! kuv txiv muam txiv paiv, kuv tsis thwj luag txaj, kuv rua ncauj tsuas luaj nplos zaj. Kuv thwj luag luag kuv rua ncauj tsua luaj nplos txuas, tis yuas txauv txem ! txauv txem ! = koj yawg ntxaug neeg laus, kuv nqua kuv sis nqiab,koj ntoj koj sis chiab, kuv nqua kuv sis laws,koj ntoj

koj sis tshaws, koj tawm plaws tej npoo  
 ntuj dhia rheas luaj tug thav nyuj, koj  
 tawm plaws tej npoo tsua dhia rheas  
 luaj tug thav npua,  
 koj loj luaj poj mab , koj yau luaj txiv  
 yawg suav , koj tsuj zeb los zeb xaub,  
 koj tsuj cav los cav ntog, muaj zoo  
 neej pom los qhuas,muaj zoo luag pom  
 los saub tis yuas saub . txauv txem ! koj  
 yawg ntxaug neeg laus , koj tuaj txog pem  
 roob koj coj tau yawg. T.G.L. ntsuj plig  
 mos nyoos xws txooj xyoob, koj tuaj txog  
 pem dawm, koj coj tau yawg. T.ntsuj plig  
 mos nyoos xws txooj rawm. Tis yuas txauv  
 txem !! koj yawg ntxaug neeg laus .hmo  
 no lub zos ( st ) leej twg noj yawg .( T. ) no  
 nkaub,tuav yawg. ( T ) npe nws ua ncauj  
 nrus txog tej qab cub, nws qhauv rov mus  
 ntsia nws tub, nws ua ncauj nrus txog tej  
 qab cais, nws qhauv rov ntsia nws ntxhais  
 tis yuas, txauv txem ! txauv txem ! ( hais  
 txog lo lus no mas koj cem ntau lub zos los  
 yeej tau tib si. ) Thaum hais li no tas lawm  
 ces tus txiv muam mam li los muab lub  
 nruas ntaus peb qws hais li no: koj yawg  
 ntxaug neeg laus . koj yaws muas mas chij

muas,koj puj yaws muas mas chij qws  
 nruas, koj yaws laus mas chij laus, puj  
 yaws laus mas chij ko taus. ( ntaus 3 qws)  
 = Thaum nō tus txiv muam mam kom 2  
 tug nyab ( tshwj kab ) mam tuav tus npua  
 ces tus txiv muam mam muab 3 teg paj  
 hmoo paj npleg coj los yom rau tus npua  
 hais li no : koj no jib lub mus kav ib xyoos  
 noj puas lub mus kav puas xyoo, koj noj  
 txhiab lub mus kav txhiab,txhiab xyoo .

## Lub txaj uas yawg tai tuajso Mas ua rau pem hauv plag.

= nyob saum lub txaj mas muab 9 lub cam  
 ( phaj ) ntawv coj los teeb rau ces mam  
 muab luam yeeb ntawg rau haus, muab  
 nqaij mov ntawg rau noj. Cov lus thiab  
 cov npe nqaij mov uas luag yuav muab coj  
 los nce txim rau saum lub txaj mas tus  
 txiv muam thiab tus nyab hais li nram no.

- 1.-yeeb kab : txom faj li xya hlw(, txom faj li xya hlw ( hais 2 zaug ua ke )
- 2-. Mov: txom faj li fam.txom faj li fam.
- 3.-hlwb: txom faj li hlwj nthwb +++
- 4-. Nplaig: txom faj li khaim. +++++

- 5-. Hauv nrob : txom faj li phwm. +++++  
 6-. lub plawv : txom faj li xeeb. +++++++  
 7-. Ntshav : txom faj li ntseb. ++++++++  
 8-. Lub ntsws: txom faj li hws, txom faj li h  
 9-. cov siab: txom faj li kab, txom faj. Kab  
 10-. lub raum : txom faj li ri tsw. ++++++  
 11-. Tus po : txom faj li sem puab. +++++  
 12-. Lub plab : txom faj li Hw thw. +++++  
 13-. Nyhuv mo: txom faj li rw ci. +++++  
 14-. Nyhuv laus: txom faj li rws txuas. ++  
 15-. Mis : txom faj li Hwm txhem. +++++  
 16-. Nyhuv me nyuam: txom faj li nyias.  
 17-. Zaub ntsuab: txom faj li txheej txhais  
 18-. Ncuav: txom faj li ncua lua. +++++  
 19-. rawg : txom faj li khaim choj.  
 20-. Tshuaj. Txom faj li tshuaj. +++++++  
 21-. Lub nplhaib: txom faj li txwb.  
 22-. Lub phaj: txom faj li txwb.

=Thaum suav daws noj mov ,noj nqaij tag  
 lawm ces tus txiv muam yuav xa tus tai  
 rov qab mus nws tsev ces nws muab lub yias  
 teeb rau ntawm qhov cub, nws muab. 2-3  
 tus rawg coj los do hauv lub yias qhuav xwb  
 ces nws hais li no. koj yawg ntxaug neeg  
 laus koj nqaij los noj tag, pob txha los kaws

tag , koj yuav rov qab mus lawm hav ncis  
 luav teb chaws. Koj mus yog zeb tsis tawg  
 paj, tsua tsis txi txiv, dej dag ntws tsis taus  
 rov nce toj ,txiv nyuj tuaj tsis taus kaus  
 txiv nees tuaj tsis taus kub, mus koj tsis  
 txhob tuaj ntxiv lawm nawb. Kav tsij mus  
 tav caij poj lag tub yau yuav sawv los  
 pog vaj, pog tsev lawm, tsam luag pom  
 luag txaj muag .

= hais txog kev cai ua npua tai tas li no

= Major Tougeu leepalao

## .keeb kwm hmoob ua npua dab roog.

1=hnuh txheej tshoj thaum ub, peb hmoob tus npua dab roog tsis muaj, los rau txheej tiam tom qab no,vim yog peb hmoob tus yawg suab tuaj nrhiaj noj ntawm tsoom xeeb leej,xeeb ntxwv ces hmoob thiaj muab ib tug maum npua coj los tua ua ib pluag mov rau tus yawg suab noj, tab sis thaum yuav pib ntes tus npua los tua mas ib tsoom poj niam zej zog tuaj xyuas coob coob ces tus txiv tsev txawm xav tias: yog tua tus maun npua no xwb ntshai cov poj niam yuav muab nqaij noj tas, cov txiv neej yuav tsis tau noj ces tus txiv tsev txawm hais rau nws poj niam tias: tus npua tai no mas ib tsoom poj niam saib xyuas tsis tau, yuav tsum yog poj niam mus pw tas mas thiaj li tua tau tus npua tai, vim tus yawg tai tsis nyiam poj niam, yog tus poj niam twg lam tawm los xauj mas tus yawg tai yuav muab tus poj niam lub kauj tsaim rub kom zij ncaug das xwb,ces cov poj niam thiaj ntshai ces thiaj khiav tas mus pw lawm tsis tas li ntawd xwb cov txiv neej tseem hais tias tus npua tai no mas yog txiv neej tus xwb,tsis yog poj niam tus mas poj niam yuav nyob nrog txiv neej tsis tau.

2=tag kis kaj ntug tus niam tsev sawv los nws mus xyuas tsuas pom lauj kaub tais diav lo roj li xwb tsis pom ib daig nqaij li, tus niam tsev chim siab nws thiaj mus hais rau cov poj niam zej zog hais

tias: peb yog cov khwv heev, ua li cas cov txiv neej yuav tsis tseg nqaij pub peb noj li, peb sim ho ua ib yam txawv txav tsis pub cov txiv neej noj thiab. Ces cov poj niam thiaj mus sib koom siab nyiag tau suav ib tug me nyuam nkauj npuas coj los txog tsev ces, tus niam tsev txawm hais rau nws tus txiv tias: tus npua no mas yog poj niam tus dab roog, thaum yuav tua mas cov txiv neej yuav tsum mus pw kom tas,cia poj niam nyob ua xwb yog txiv neej nyob saib xyuas mas tus dab roog yuav tshum kom txiv neej 2 lub qhov muag dig tsis pom kev, vim tus dab roog tsis nyiam txiv neej. Ces thaum ntawd cov txiv neej thiaj khiav mus pw tas lawm cia poj niam nyob ua xwb, ces cov poj niam ntshai tsam suav lawv qab tuaj xauj lawv thiaj txwv tsis pub hais lus suav ib los li.

3=thaum no cov poj niam tsis txawj hlab, tsis txawj kuam npua thiab tsis txawj tseev plab hnyuv, ces lawv thiaj li los thov cov txiv neej hais tias: peb tsis txawj tseev ces thov nej sawv los pab peb tseev tso peb pub nej noj tau thiab. Ces cov txiv neej thiaj li sawv zom zaws los tseev tus npua tau tas ces cov poj niam thiaj li pub cov txiv neej nrog poj niam noj tau ib yam nkauj. Keeb kwm muaj li no txiv neej thiaj tau noj xwb.

4= hauv paus chiv keeb hmoob tus npua dab roog mas yog 5 txig xwb, muab cov hauv nqaij teeb tso ua ntej mam li tso cov taub hau,tes,taw lawv qab tab sis tso sab laug ua ntej, sab xis lawv qab mus

kom thoob cov txim, muab lub kauj tsaim tso rau thawj txig ( txim no yog niam tsev tug ) . tus tw thiab lub txiv ntswg tso rau txim kawg, thaum muab taub hau,tes taw tso rau cov tais tas ces tus txiv tsev mam tuav ib rev nplooj ntseej thiab ib lub plhuaj taub meme nkhaus vos ntim ib cov kua nqaij npuas thiab 3 lub khob meme hliv cov kua nqaij rau nyob hauv lub vab teeb rau ntawm ntub qhov cub, cov lus hais li no: niam,txiv lui loog dab roog, dab hluas tsis saub nraum rooj, tsis seev nraum ntsa, hnub no zoo hnub,hmo no zoo hmo niam zoo siab, txiv zoo plawv, muab niag pwj tsiaq ua koj tug, muab niag pwj txhu ua koj npe luag ntxhiav, luag ntxhi sawv los kav vaj, kav tsev kav niam,kav txiv,kav tub,kav kiv,kav tsiaj,kav txhuv, yuav qhib rooj lug tos nyiaj,tos kub,kaw rooj nti tsis pub dab txeej txeem vaj,dab quis txeem tsev,lwm ib zaug tsis los,lwm ob zaug kom los, lwm ob zaug tsis los lwm peb zaug kom los.

5= qhov uas muaj hmoob 5 txig, hmoob 7 txim hmoob 9 txig mas yog muaj li hais mus nram no.  
 A= hmoob 5 txig mas yog lub hauv paus dab qhuas chiv keeb huam yuaj tiag , tiag.

B= Hmoob 7 txim mas yog niam tais,yawm txiv hlub ntxhais vauv heev ces tos ntxhais vauv tuaj ua npua dab roog ces cia li ntxiv 2 txig rau ntxhais vauv xwb, ces thiaj ua li ntawd los lawm.

C= Hmoob 9 txig mas yog los ntawm niam hlob niam yau tsis sib haum nyias mus nyob nyias tsev lawm ces, niam hlob ua npua dab roog hauv niam

hlob tsev, ces hu cov tub tuaj tas huv si, thaum lwm dab roog tas ces,niam hlob txawm tsaws 5 txig ( 5 lub. tais ) cev rau niam hlob cov tub xwb tshuav niam yau cov ces tsis cev dab tsi rau li, ces niam yau thiaj chim siab heev, niam yau muaj 9 leeg tub, niam yau thiaj mus nyiag tau ib tug npua los ces thiaj hu tus txiv thiab niam hlob nrog cov tub tuaj tas , thaum tus txiv lwm dab roog tas nrho ces tsaws kiag thawj txim cev rau niam yau , ces niam yau los tsaws tsawg tsuag 9 txig cev rau niam yau 9 leeg tub xwb, niam hlob cov ces tsis cev dab tsi rau li. Mas txij li ntawd los ces thiaj muaj hmoob. 5 txig, hmoob. 7 txim. Hmoob 9 txig los txog niaj hnub no.

J

**Zaj kwv huam hais  
 Txog hmoob tus dab  
 roog mas muaj li no.**

= Major.Tougeu lee  
 palao.